



KEMENTERIAN PERLADANGAN
DAN KOMODITI

KENYATAAN MEDIA

**YB DATUK CHAN FOONG HIN
TIMBALAN MENTERI
MENTERI PERLADANGAN & KOMODITI**

SEMPENA

***FROM FRYER 2 FLYER* : PROGRAM KESEDARAN MINYAK MASAK
TERPAKAI BERSAMA PETRONAS DAGANGAN BERHAD**

3 OGOS 2024

**STESEN MINYAK PETRONAS JALAN LINTAS,
KOTA KINABALU, SABAH**

1. Kementerian Perladangan dan Komoditi (KPK) dan PETRONAS Dagangan Berhad (PDB) dengan julung kalinya kerjasama dengan Dewan Bandaraya Kota Kinabalu (DBKK) telah mengadakan *From Fryer 2 Flyer*: Program Kesedaran Minyak Masak Terpakai Bersama PETRONAS Dagangan Berhad di Stesen Minyak PETRONAS Jalan Lintas, Kota Kinabalu, Sabah pada 3 Ogos 2024.
2. Program Pengumpulan Minyak Masak Terpakai ini adalah siri program KPK dan PDB bersama komuniti untuk memberikan kesedaran kepada penduduk setempat mengenai kepentingan amalan kitar semula minyak masak terpakai serta potensinya dalam penghasilan bahan api penerbangan mampan. Pada masa yang sama, program ini juga berupaya menjana

pendapatan tambahan isi rumah, menyokong agenda ekonomi kitaran dan mengurangkan kadar pelepasan gas rumah kaca selaras dengan komitmen negara untuk mencapai pelepasan karbon sifar bersih menjelang tahun 2050.

3. Dalam hal ini, pihak PDB telah menjadikan beberapa stesen-stesen minyak PETRONAS yang terpilih sebagai Pusat Pengumpulan Minyak Masak Terpakai untuk memudahkan orang ramai menghantar dan menjual minyak masak terpakai mereka.

4. Bermula dengan hanya tiga (3) stesen minyak PETRONAS di sekitar Lembah Klang, kini program pengumpulan minyak masak terpakai tersebut telah diperluaskan ke 53 stesen minyak PETRONAS di seluruh negara. Dengan perluasan ini, KPK mensasarkan jumlah pengumpulan melebihi 500 ribu kilogram dan penyertaan melebihi 100 ribu orang awam menjelang akhir tahun 2024.

5. Sebanyak tiga (3) stesen di negeri Sabah iaitu stesen PETRONAS Jalan Lintas, Kota Kinabalu, Stesen PETRONAS Batu 8 Labuk By Pass, Sandakan dan Stesen PETRONAS Jalan Utara, Tawau terlibat dengan program ini dan akan diperluas dari semasa ke semasa.

6. Untuk makluman, UCO mempunyai permintaan yang tinggi untuk digunakan sebagai bahan mentah bagi penghasilan bahan api penerbangan mampan atau lebih dikenali sebagai *Sustainable Aviation Fuel* (SAF). Pihak PETRONAS juga sedang dalam fasa perancangan untuk membina loji penapisan bio bagi penghasilan SAF yang dijangka siap dibina pada tahun 2028.

7. Program kerjasama antara KPK dan PDB ini diharap dapat meningkatkan kesedaran orang awam terutama komuniti di negeri Sabah akan kepentingan untuk mengumpul dan kitar semula minyak masak terpakai demi manfaat ekonomi dan juga alam sekitar kepada rakyat dan negeri.

Kementerian Perladangan Dan Komoditi
3 Ogos 2024